

慶遠府志
卷十七十八

慶遠府志卷十七

人物志

下

列女

按婦人以夫爲主舊志但稱某氏而不繫於其夫俾閱者茫然莫辨爲誰氏之婦失其義又首首載宋光宗后慶遠節慶使李道女道帥湖北聞進士黃甫坦善相出諸女拜之甫坦見后驚不敢受曰此女當母天下甫坦言於高宗遂聘爲恭王妃後正位生嘉王擴按與慶遠無涉今悉刪正

明

王尙忠妻彭氏慶遠衛舍人欽之女粵西文載云彭氏年

慶遠府志

卷十七

人物志列女

一

十八歸尙忠有姑孫氏老失明彭起坐必扶持之凡衣服飲食躬奉以進歷三四年尙忠尋充都司承差携彭偕往居司廨僅四月每思其姑輒垂淚未幾尙忠奉差之京因乞假送彭西歸舟次洛黃灘賊渠梁萬王輩二十餘人出行劫見彭色美欲掄之尙忠素勇左持盾右持鏢與賊相持身中數鎗墮水死賊拽彭登岸慰之曰汝婦人決不殺汝可無死卽令賊黨數人守之復入舟取其資彭泣曰夫死我生何爲遂投水死賊大驚皆遁去越數日尙忠父知之求其屍至里隆灘俗名龍並浮水土顏色如生

彭諫妻劉氏宜山人粵西文載云諫行賈死於賊劉氏聞

之哭謂妯娌曰夫亡誼不能獨存幸善事姑以其餘視汝姪女吾死足矣卽閉門自縊諸婦往救氣未絕從旁護視者密劉乃不飲食亡何見喪至劉往迎且行且哭遂嚙舌死

舉人莫朝宣妻蔣妙慶宜山人景泰間朝宣領鄉薦旋卒時妙慶年二十二翁姑慮其年少難終節妙慶以大義自矢以女紅自給訓子驕入泮食餼應歲貢旋沒與婦同守節鞠育三孫自滿自廣自矜皆成立年七十終

慶遠衛舍人王凱妻汪氏粵西文載云凱獲罪拘獄中被箠創甚汪朝夕入供湯藥弗能療凱將死曰汝年少可更適人汪泣曰夫不幸妾之不幸也脫不能生願相從

慶遠府志

卷十七

人物志列女

二

地下矣凱病益危度不起汪乃告翁姑曰夫死妾不能獨生幼女幸善撫之扼吭而卒年二十二

舍人宋洪妻張妙恒成化丁酉洪疾危妙恒剗股肉和羹療之稍蘇旣而死妙恒勤女工撫二孤長尙仁襲百戶次尙志爲生員自洪沒後足跡不出戶外年五十三卒舍人甘誠妻宋氏南丹衛舍人禮女生于甫彌月誠卒家貧織紵自給母強之改嫁宋抱姑大哭曰婦人之義從一而終况吾爲世祿之家改適他姓何以見先人焚香告天誓死不二撫于霖成立任柳慶參將正德十三年

旌表

按一統志
載入賓州志

舉人馮轅妻李氏河池人嘉靖間轅領省解旋卒時李氏

年二十有七矢死撫孤以紡織給饘粥茹苦終身

王元禧妻楊氏宜山人元禧卒時楊氏年二十四家貧辟
纊自給教育二子皆入庠後享年八十有二以壽終

吳某妻鄧氏宜山人能詩吳以罪被逮鄧以衣寄之題詩
云欲寄寒衣上帝都連宵裁剪眼模糊可憐寬窄無人
試淚逐西風灑去途又題畫菊云良工妙手恁安排
底移來紙上栽葉綠花黃長自媚等閒不與蝶蜂來苦
志守貞以沒

生員陳于陞妻高氏宜山人歲貢高愈讓女也性貞順閨
範整肅善女工年二十無子寡居以針線所入餬其口
或並日一炊或終日不食人曰何自苦乃爾高曰未亡

慶遠府志

卷十七

人物志列女

三

人苟延殘喘何忍窮口腹卒年七十餘人稱女中師表
云

舉人余猶龍妻董氏宜山人猶龍卒二子俱幼董數遭橫
暴矢志守節食貧訓子卒年六十有五子心孺 國朝
康熙辛酉舉人

歲貢高翀妾覃氏思恩人年十二歸翀崇禎末隨翀宦遊
粵東避兵僑寓岑溪翀與嫡室吳氏俱沒時覃氏年二
十有八吳氏子麟徵年十二氏子熊徵甫六歲窮途茹
苦紡織自給後子熊徵中 國朝順治庚子副榜官至
兩淮鹽運使氏受榮封

永順長官司鄧承印妻韋氏土官德揚之母也萬歷三年

調土兵征廣東羅旁賊時德揚幼不能行韋氏率土兵
隨征擒獲賊魁羅天威羅大勇等以功賞花紅緞疋授
其孫宗聖千總銜

國朝

陳失名女陳氏宜山人未嫁康熙六十年省親行至牛岡
塘途遇莫扶添欲犯之不從被扶添刺死雍正二年旌
韋扶海女韋氏宜山三岔村獐人有姿色未嫁乾隆八年
韋扶臣強犯之不從以刀脅之拒愈堅扶臣斷其項事
聞旌表

韋孝女天河人幼許字顧氏一日父母與兄食菌俱中毒
死女以死自誓願終身供父母祀顧亦不之強撫一子

慶遠府志

卷十七

人物志列女

四

繼韋氏後始終如一

曾省三妻韋氏思恩人一統志云韋氏年二十三夫死家
惟一屢停柩於左偏不令舉曰遺腹非男當以身殉葬
閱數月竟得子曰今而後吾責重矣初省三與弟分爨
迨省三死弟憐嫂寡貧將獨膳其母韋氏艷然曰聞古
人有乳姑者我獨非人乎仍分任之竭力以供甘旨雍
正五年旌

崖峒一作統志妻歐氏思恩人年二十二峒死服闋舅姑將

令改適歐潛聞之奔哭於夫墓不食者三晝夜姑泣而
攜之歸許從其志已而姑病貧不能治歐禱於神解命
圈爲藥餌資土俗男安生週歲皆以銀圈餽項至老不

解解輒有殃曰命圈或諷止之歐口姑死而我獨生生何爲姑竟以此獲愈歐亦無恙自峒死後歐足不踰闕親戚化之婦女無復有至墟市者雍正五年旌

陳雄妻莫氏思恩人年二十一雄死舅姑慮其不終謂之曰吾家故甚貧汝欲守志如衣食何莫泣曰婦死且不顧遑恤飢寒飲冰茹蘖固所甘也每飯必侍夫靈側且食且泣以義方教其子天賜入泮有文名年八十四沒雍正五年旌

生員蘇繼洵妻謝氏宜山人謝鍾靈女適蘇氏翁姑相繼沒家貧佐夫營塋盡禮夫旋卒遺孤甫八月值歲飢哀貸於親隣始克葬茹苦自存撫孤應軾成立享年八十

慶遠府志

卷十七

人物志列女

五

餘乾隆二年旌

生員李良正妻楊氏天河人生二子而夫卒時楊氏年二十有四矢志靡他食貧撫孤嘗痛哭流涕望子成才就傅讀書脩脯膏火盡出氏十指營給長子元煌入泮乾隆二年旌

生員韋聖勤妻潘氏天河人年二十八夫歿清苦自守訓育遺孤繼孟入泮

生員韋衍易妻顧氏天河人年二十五夫歿遺腹生一子守節終身鞠子成立

其妻潘氏天河人居古黎里新村年二十五夫歿遺子甫數月撫孤守節三十餘年如一日

楊世國河池人妻李氏宜山人生子德明甫週歲而世國死時年二十四家甚貧嘗撫子德明泣曰吾所以不死者以有爾在也後德明從征古州沒於軍李哭失明荼苦終身乾隆二年旌

劉工元妻王氏河池人王玉昌女也年二十一生二子而夫死矢志撫孤二子相繼殤泣曰吾命至此何以生爲然吾生一日劉氏香烟猶延一日女紅自給歲享盡禮守節終身乾隆三年旌

楊某妻李氏河池人夫死守節乾隆四年旌

劉某妻王氏河池人夫死終身苦節乾隆四年旌

韋應海女妣嬌宜山人未嫁不從強暴以烈死乾隆九年

慶遠府志

卷十七

人物志列女

六

旌

莫踰閑妻陳氏河池人夫死守節乾隆四十一年旌

南丹土目何依義妻莫氏雍正八年土官莫我謙征古州攻定旦寨被圍依義入圍中救之出苗追之依義拒敵中鎗死莫氏年二十餘守節撫孤事舅姑克盡婦道義夫節婦蠻中所僅見者

邵宗濂妻吳氏宜山人事孀姑孝謹生子禹生多病鞠育盡瘁年二十二宗濂死慟絕不欲生既而嘆曰上有白髮孀姑下有黃口孤兒終靠何人遂翻然以養親撫孤爲任依叔翁嗣寧居禹生稍長益多病不能讀書生孫曾傳氏曰吾姑媳二世孀居賴有此以延宗祧乾隆初

曾傳入學補增氏享年六十張學院贈額曰節孝可風
宣化教諭馮驩作傳一時題讚甚衆 李凌卓詩歲維
元黛月當且抗懷前修時杼寫案上方緡栢舟詩景
彼兩髦真可儀故人忽遺書一束乃其王母安節錄
就中開讀思難勝孝慈之念悠然興紀實疑出蔚宗
手定十流傳不脛走自西徂東路幾千誦之恍如拜
母前從一而終制自古養姑撫兒志益苦空房寂守
年復年四紀清操老愈堅自顧此身關似續姑在更
難捐溝瀆老姑獲終遺孤存義既重兮生亦尊我聞
前有東海婦又聞後有歐陽母孝慈之擔一肩挑孺
人方軌足聯鑣古往今來幾屈指頓使鬚眉生愧恥

慶遠府志

卷十七

人物志列女

七

特加獎勸挽頽風堂懸巨筆出文宗烏頭綽楔尙未
獲 盛典何爲久耽擱得無後人失表章潛德終待
發幽光偶論及此人爭惜我懷其人更嘖嘖因憶我
昔遊宜山孺人壺範窺一班文孫與我相於久節操
經其授之口續貂於義不容辭覆瓿豈憚隣人嗤遙
題竹枝自南海郵寄以俟輜軒采

忻城官族莫振鷺妻黃氏遷江人口瓚女也事翁姑孝謹
振鷺歿時黃氏年二十有姿容無子誓守死振鷺兄弟
九人尙同居後分爨不給產不立繼黃亦不爭依翁姑
住翁姑死遂大歸乾隆二十四年卒壽六十有四守節
四十餘年足不出戶庭雖至親有罕見其面者

上林古彭司麥茂芳妻莫氏忻城貢生莫振綱女也生一子而夫死時莫氏年二十有四家貧無靠遂大歸母家未幾子又死伶仃苦守內外無間言乾隆五十七年沒壽七十有五

莫承勲妻藍氏忻城人年十八夫死守節鞠子恃猷家貧以耕織度活嘉慶六年沒壽八十有四子恃猷以年屆八十舉報耆老

生員覃晃妻何氏宜山人年二十八夫死守節訓子成立壽七十有八道光元年旌

生員莫我翊忻城人妻謝氏宜山歲貢謝帝謨女也年二十七夫死無子甘守苦節夫兄弟六人相繼早死惟夫

慶遠府志

卷十七

人物志列女

八

兄我訓生三子長紹祖復早死止遺孤姪紹思紹孟與其寡妣麥氏同居適遭強暴侵凌占奪謝氏鳴官申理有丈夫風刻苦經營晚年家頗裕族議以紹思承繼入武庠孫子端食餼子敏子魁姪孫子揚皆入泮嘉慶九年督學帥承瀛題予完節垂光字樣學師馮紀梁光耀題贈彤管揚休扁額嘉慶十四年沒壽七十有五道光元年旌

龍天緣聘妻趙氏思恩人幼許字天緣未嫁而天緣死趙氏時年十一聞夫沒往奔喪遂依舅姑居杜門不出歷八年十九歲而沒

陳 妻覃氏思恩人夫死青年守節育子標入武庠嘉

慶七年旌

梁毓琪妻王氏宜山懷遠鎮八年二十四而夫歿姑老子
幼家貧王氏苦守事孀姑撫孤子以孝慈聞嘉慶九年
學院帥承瀛題予完節延麻匾額壽八十有四終子孟
倫道光元年舉報耆老孫枝蕃衍

生員韋國錦妻莫氏永定土司人年二十而夫歿零丁孤
苦訓子廷瑜入學嘉慶九年學院帥承瀛題予苦志完
貞匾額壽逾八旬

生員謝景安妻覃氏宜山人逮事翁姑克盡孝敬年二十
七而夫死食貧守節鞠育二子長鵬程次鵬翱入學嘉
慶十三年歿壽七十有四

慶遠府志

卷十七

人物志列女

九

王純恭妻陳氏宜山人年十七而夫歿矢志孤守紡績自
給撫胞姪于周爲嗣就傅讀書脩脯膏火皆出於十指
于周入庠嘉慶九年學院帥承瀛題予完貞篤祜匾額
享年七十有二

謝先恩妻楊氏宜山人年二十夫死守節教子德重入學
德重早死鞠育遺孫廷光以勤儉裕家嘉慶二十年壽
八十學師霍士坪袁瓊贈額曰節壽並榮

把總璩映日妻劉氏宜山人幼讀書明大義乾隆五十三
年映日隨征安南卒於軍劉氏年甫三十茹苦食貧勤
女紅脩甘旨以奉翁姑餘供三子讀書膏火翁姑怡然
忘貧以壽終三子皆成立氏以長子嘉驥貴受封夫人

迎養於貴州鎮遠鎮署雲貴總制史致光祝夫人壽有云孝媳真同愛子何無何有不忍傷舅姑之心慈母卽是嚴親一簞一瓢每勗以先君之思道光三年壽七十臨終戒子孫曰勉作好人上報 國恩光祖宗下保門戶昌子孫言畢而逝間里仰爲女宗

吳體謙宜山人妻彭氏郡城東門外人年二十而夫死遺子甫數月而翁姑年皆六旬矣氏矢志守貞以養老撫孤爲己任事二老以壽終教子尙勒成童入泮食餼中嘉慶丙子鄉試氏平時嘉聞古訓年五十以劬勞成疾尙勤跬步弗離氏病平復則終日侍立陳說古人嘉言懿行以承其歡氏疾作則長跪泣涕祈禱以冀其愈其

慶遠府志

卷十七

人物志列女

十

母之節其子之孝人皆所不可及

王積欽妻何氏宜山人年二十一而夫死遺子甫周歲旣無翁姑又無伯叔煢煢孤守訓子子秀業儒嘉慶二十一年督學朱方增給予貞筠勵操匾額卒年七十有一
韋廷松妻莫氏宜山縣上里人年二十而夫死遺子甫數月食貧守節訓子昭謨苦讀入泮旋卒又鞠育遺孫存質苦讀入郡庠嘉慶二十年督學朱方增題予貞壽延祺匾額守節六十三年享年八十有四

胡振輿妻邱氏年二十九而夫歿邱氏孀守鞠育三子次子瑞季子珍皆入武庠其長子珖娶周氏年十五千歸五月而珖歿周氏依姑守志撫珍子崇仁入繼入邑庠

嘉慶二十年學院朱方增題邱氏額曰護茂松貞予周氏額曰徽揚煒管兩世貞節卿里重之

莫繼芳妻梁氏宜山懷遠鎮人年十九而夫沒孀姑老遺子幼而家極貧梁氏矢死靡他紡織度日餛粥或至不給賴母氏及舅孟倫時周恤之孀姑以壽終子復入學食餼嘉慶二十一年學院朱方增題予徽揚煒管匾額黃模妻莫氏忻城人年二十四而夫死子允中方四歲家極貧織錦度活娶媳三年允中又死媳改嫁遺孫國章甫一歲氏零丁撫育今見曾孫矣年八十有二紡織自如

莫紹祖妻吳氏忻城人年二十七夫死無子矢志守節撫

慶遠府志

卷十七

人物志列女

十一

姪子顯爲嗣現年八十

莫玉程忻城人妻凌氏遷江人年二十三而夫死撫姪運煥爲嗣道光三年督學祝慶蕃給予苦節可貞匾額現年七十

莫囿生忻城人妻李氏遷江人年二十五而夫死遺子子履方五歲守節撫孤現年六十

李培英妻廖氏天河人年二十而夫歿矢死靡他撫子渾湛皆成立守節五十餘年壽逾八十

李賓屢妻陳氏宜山人年二十八而夫死食貧守節教子毓英入泮補增廣生現年五十有六

陳宣懿妻吳氏宜山人年二十一而夫歿翁姑老子鍾瓊

尙幼吳氏矢志苦守侍養雙親撫育孤子皆其十指之力鄰里欲呈請旌表氏力止之曰守節乃婦人分內事吾子不能成名死有餘憾何以旌爲現年七十勤苦如故

韋子栢妻覃氏宜山歸化里人栢好博家產蕩盡旋卒時覃氏年二十有六止生一女無子有孀姑藍氏年四十有五家無立錐覃氏念姑媳相依爲命遂矢志苦守開畚墾種雜糧以度活食力完節鄉里莫不憐而敬之現藍氏年屆七旬覃氏年五十有一

韋祚恒妻楊氏宜山人年二十三而夫歿遺子承康甫二歲氏矢志守節承康長就傅讀書稍怠氏泣而責之曰

慶遠府志

卷十七

人物志列女

十二

汝不成材負我一片苦衷矣承康感奮苦讀入泮氏年五旬猶勤紡績督學周作楫給予柏節凌霜匾額

黃玉良忻城人妻莫氏遷江人年二十八而夫死遺一子一女家徒四壁未幾子復死氏伶丁孤守紡績自給將女招婿相依度活現年五十有四

生員朱煥南妻何氏宜山人年二十九而夫死無嗣氏零丁苦守現年七十有一

生員羅照普妻林氏宜山人照普家貧往羅城縣教讀在館病故林氏匍匐親往扶襯歸葬遺子甫三歲林氏矢志守節教子成立現年六十

袁式高妻廖氏宜山人年十九而夫歿遺子際明正在襁

祿廖氏矢死靡他撫孤成立課讀入庠現年五十有九
生員何獻籍繼妻周氏宜山人嫁歸六十日而獻籍死前
妻楊氏遺子甫三歲周氏爲夫存後矢志守節現年五
十有六

吳希正宜山人妻彭氏永順副人年二十四而夫死遺子
宗漢年方三歲彭氏守節撫孤課讀入庠

鄧時遜女鄧氏時遜第四女也籍居宜山德勝鎮遷於思
恩地堯村時遜生七女無子諸女俱字人惟第四女見
父母老無嗣矢志不嫁躬事雙親俱享高壽親歿後有
欲聘者鄧氏引刀自誓家無田業終年閉門紡績嘉慶
六年思恩知縣饒用旌其廬曰守貞全孝現年八十猶

慶遠府志

卷十七

人物志列女

十三

以十指自給

仙釋

唐

陸禹臣字復休河南人避黃巢之亂入南嶽遇道士軒轅
彌明授以仙術且謂曰子得道當在山窮水絕處乃跋
涉隱龍水縣之北山嘗過吳生家生每往謁輒與語塵
外理贈生詩曰世俗風波險人情巧智長要知安分事
修性本眞常又贈云露下瑤簪濕雲生石室寒星壇鸞
鶴舞丹竈虎龍蟠塵世人情窄壺中景界寬憑君高着
眼物外試回觀因與登覽遍大小巖穴凡二十所遂居
巖修煉不復出嘗手植異桃靈藥歷久不凋山上有井

水色紺碧異常後尸解仙去宋時常有人遇之問其童子曰此紫府仙伯陸翁也又思恩縣修煉山相傳亦其修煉處

吳生天河縣人唐時遇陸仙翁於龍水縣會仙山以師事之翁曰爾能爲神不能爲仙也後封於宋號吳平大王崔莫二仙姑不知何許人宜州城北有會仙山由流丹閣而上懸崖百尺石巖一區其半是二仙煉丹處中有丹竈石縫皆作金碧色彩燦然蓋丹火熏爍也竈後卽二仙卧所頭臂股脛兩形畢現深入石寸許崖壁峭深人罕躡者至必香楮默禱之方能緣焉不則望嘆而已羅仙宜山人嘗牧牛於會仙下一日偶遇老翁以水一勺飲之遂覺身輕舉步如飛後仙去

宋

鼇山道人乾道中嘗臥州學士人叱之曰莫欺閒客也會作詩土人受紙筆吟曰家住鼇頭最上山偶將踪跡到塵寰不妨名利場中卧忙者自忙閑者閑

按鼇山在城東南二里

盧僧名德洪宜州人幼棲南山廣化寺一旦不知所之郡守張自明候選京師有一僧來謁曰小僧宜州人住廣化寺姓盧名德洪聞君任吾州故來謁遂出一履留爲符自明至宜遊南山問德洪所在衆僧愕然云本僧別去不知所向久矣自明因焚香祝曰汝有靈引我以香

已而香拂山左右室中隨往觀之有竅逗燈光德洪坐化於內一履在前與昔所遺無二始知其異云

吳優字世遠宜州人初業儒後爲州吏遇異人授一杖欲有所往攜之頃刻卽至家居去郡至三十餘里每日昏暮歸家昧爽在郡人皆異焉一日郡守因事呵之世遠拂袖謝去逾夕而終時宣和年間也葬之日襯至桃源山扛索忽斷舉之不動俄頃螻蛄皆啣土蓋棺成一巨塚且露一角百餘年尙完好如新鄉人因立廟祀之賜額曰顯應侯時著靈跡紹定五年上其事加號靈正侯

明

周元圃宜山德勝人讀書觀音庵蓮花臺題一聯刻石云
石蒂流來三昧水金波湧出一枝蓮明崇禎己卯偕友
余猶龍赴鄉試遂不知其所往至

國朝康熙間猶龍子心孺會試回於直隸旅次忽有貴者來訪談係父執心孺問曰老伯久離鄉井不知何由入仕現任何官答曰予於鼎革後以軍功遞陞觀察現在直隸候補然老夫髦矣不日辭職旋里念爾父與予至契無以相贈聊贈一緘遇急折閱自有用處言訖揖別心孺回至湖北途遇盜開緘視之乃一潔字遂棄行李潔身而行沿路鬻文而歸今蓮花臺相傳爲周元圃讀書登仙處

國朝

僧福古俗呼爲李和尚修行於思恩縣川山內甲有異術能治邪魅怪物邑有妖蛇號蒙老爺居深潭中時出弄人人有病者殺馬祭之卽愈惟福古所居鄉蛇不敢犯將終囑其徒曰我死此孽障必來爾勿怖以我錫杖擲之卽去果如其言其徒將尸作塔藏之至今邑有病者以飯一盂素供三豆向塔祈禱雖犯蒙老爺無害 郡人韋孜李活佛詩序云思恩縣城西北百餘里地名穿山有李活佛於康熙年間坐化曾以石塋罩住眞身延至乾隆年間邑侯李始開塋建寺以龕祀之其左耳被水滴壞乃用檀香鑲補相傳靈異非常孜於嘉慶己巳教讀其鄉因與諸生同往瞻謁果見肉身尙存非浪傳也敬題俚句用誌因緣 從來佛體異凡身過去常存信有因影現曇花開一朵光生金粟絕纖塵非闕丈六旃檀化幾訝三千色相陳迎骨何須爭表諫靈竒今見始知眞

笑和尚失其名遇人輒笑人因以笑和尚呼之居北山雪花洞有方術常戲爲十八羅漢像酷肖又善醫人有病者呼之卽至藥味雖香灰亦用病愈不索謝後不知其所之

祖林宜山人俗姓羅幼披剃於西竺寺長遊四方於南嶽受戒歸偶陟德勝所城後山得銅觀音於亂草中就其地結庵號北山頂後聞多靈山有仙跡住錫其上言人

生死輒驗又能捉鬼亦異僧也

流寓

宋

范寥字信中成都華陽人慷慨重義嘗以省叔父祖禹寓桂林天寧寺時黃山谷謫宜州贈以詩云范侯來尋八桂路走別俗人姑脫兔後山谷歿寥爲之護喪出嶺士大夫義之

徐俯字師川洪州分宜人黃庭堅甥也崇寧間庭堅謫宜州俯來視舅氏庭堅卒往寓昭州紹興中除諫議大夫有訪鄒道鄉故居詩並序

明

慶遠府志

卷十七

人物志 毓寓

十七

姚本瀛直隸人嘉靖間任河池所千戶駐德勝鎮性慷慨好義喜與文士交凡儒紳布衣與之談文藝卽夷然而忘其形度德勝地勢山形萃一郡之秀遂家焉後五世孫永明徙居莫家堡子孫蕃盛

湯樂吾江西臨川縣九十三都許灣對河人湯若士族孫也喜文詞好遊覽山水崇禎間偕兄樂所樂齋同遊至慶遠因往南丹厰經商身居貿易場而不事心計登山臨水輒流連竟日後樂所樂齋回江右樂吾寓宜山卜居馬駟村子孫累代科名

國朝

張汝賢臨桂人博學能文康熙初遊學於天河縣諸生爭

執贄受業遂寄籍天河入庠聯登科甲官遷安知縣
潘乙震粵東人工文詞書翰雍正間隨族人貿易至東蘭
州寄籍入學雍正十三年廣西鄉試第一登乾隆元年
進士官翰林編修

謝文徽廣東南海人能詩精通醫理乾隆二十四年澳門
席將軍題贈如見其肺肝然匾額二十五年幕遊廣西
歷田州慶遠以名醫見重於當道好施藥濟人延診者
不討貲二十九年慶遠協副將西冲額題予業精盧扁
匾額三十三年慶郡瘟疫流行延治者繹絡不息病隨
藥解郡人德之紳耆苗德沛等公贈漆版金字聯云方
述龍當消世劫學通金匱代天工六十年慶遠知府張
慶遠府志

卷十七

人物志沛寓

十八

曾敷贈詩云岐黃一卷得天心六十年來學養深意氣
既平無妄語精神益壯愛高吟閒燒柿葉歸丹竈時攬
春風出杏林異日芝蘭看競秀知君長嘯復彈琴文徽
課子業醫詩云不爲良相必良醫到處逢迎最便宜起
死回生人性命得心應手我神奇術能治世功非小業
可傳家學莫遲諄切要同詩禮訓岐黃經訣務精推著
濟世良方一卷壽七十有四無疾而終子鍾傳其術多
活人闔郡官紳咸器之寓郡恒寄籍永定土司孫憲章
廩膳龍章郡庠

袁縉字繪章號松軒湖南新化縣庠生博雅工時藝嘉慶
二年遊學慶遠以文章受知於知府張曾敷士子爭執

贄受業館舍至不能容其課徒每年將四書循環講授
旁及諸經作八股以理法爲宗兼取書卷不尙墨調設
教二十餘年各屬舉貢生員多出其門下而宜山理苗
東蘭尤衆慶郡文風漸振縉與有功焉

陳啟焯號卓人湖南武陵縣廩生博涉羣書工文詞書翰
道光元年訪趙笛樓撫軍到粵慶遠太守承汝霖李春
潭英鐵山相繼延至慶江書院主講每月三課集諸生
童講究書理文法復添三課兼講習詩詞歌賦積數年
諸生童漸嫻文律聲調又性喜吟咏遊歷所至胥留騷
妥切黑

諸蠻

慶遠府志

卷十七

人物志流寓

十九

按禮記云南方曰蠻厥類不一今溯其由來著總
論於前復分其種類而詳其地處未特列今昔情
形俾知習俗與

化移易雖苗蠻異族無不可革面而洗心也

總論

後漢書南蠻傳曰昔高辛氏有犬戎之寇帝患其侵暴
而征伐不尅乃訪募天下有能得犬戎之將吳將軍頭
者購黃金千鎰邑萬家又妻以少女時常有畜犬其毛
五采名曰槃瓠下令之後槃瓠遂銜人頭造闕下羣臣
怪而診之則吳將軍首也帝大喜而計槃瓠不可妻之
以女又無封爵之道意欲有報而未知所宜女聞之以

爲帝皇下令不可違信因請行帝不得已乃以女配槃瓠槃瓠得女負而走入南山止石室中所處險絕人跡不至于是女解去裳爲僕監之結著獨力之衣帝悲思之遺使尋求輒遇風雨震晦使者不得進經三年生子十二人六男六女槃瓠死後因自相夫妻織績木皮染以草實好五色衣服製裁皆有尾形其母後歸以狀白帝於是使迎致諸子衣裳斑斕言語侏儻好入山壑不樂平曠帝順其意賜以名山廣澤其後滋蔓號曰蠻夷桂海虞衡志曰禮云南方曰蠻今羈縻州洞皆蠻地區落連亘接於西戎種類殊詭不可勝紀今志其近桂林者宜州有西南番大小張大小王龍石滕謝諸番地與

泮荆接人椎髻跣足或著木履衣青花斑布以射獵讐殺爲事

嶠南瑣記云粵蠻有仇殺欲復或行劫掠先期插木於山最高處謂之插牌偵知者亦得預爲之備胎髮不薙男女無梳篦不覆巾蓬垢鬢鬢自古已然曰魃結男婦皆蓬首男雖剃髮止於四旁婦人則以高髻置於頂前上覆大笠卽史記所謂尉佗魃髻也

桂海虞衡志曰宜之西境有南丹州安化三州一鎮又有撫水五峒龍河茅難荔波等蠻反陸家寨其外有龍羅方石張五姓謂之淺蠻又有西南韋番及蘇綺羅坐夜回計利留求謂之生蠻其外又有羅殿毗那大蠻皆

有徑路直抵宜城熙寧五年令五姓番五年一進奉納
方物於宜州估時價回答西南韋番亦五年一進奉宜
州受其方物回答之安化三州一鎮令納方物於宜州
思立寨而親赴州領賜
赤雅云烏蠻即烏滸蠻也生首子輒解而食之曰宜弟
妻美則讓其兄唐宋洛曹縣有之今宜山
大曹堡
漢肅宗時漉中蠻有覃兒建漉即楚之慈利縣地今慶
郡北境可通綏寧覃姓蠻即其苗裔

獠

桂海虞衡志曰獠人椎髻跣足衣斑布褐采竹木爲屋
繩樞葦竇覆以菁茅種植外獵山獸續食負戴者悉著

慶遠府志

卷十七

人物志諸蠻

二十一

背上繩繫於額履險如飛兒能行燒鐵烙其跟蹠使頑
木故能履棘茨根柢而不傷兒始生稱之以鐵如其重
漬毒水中兒長煨鐵製刀試刀必刃牛項下以肩負刀
一負即殊者良刀也弩名偏架以一足蹶張背手傅矢
往往命中鎗名掉鎗長二丈尤以弩爲長技戰則執鎗
人前卻不常以衛弩執弩人口銜刀手射或冒刃逼之
釋弩取口中刀奮擊退去必有伏弩歲首祭先雜揉魚
肉酒飯於木槽扣槽羣號爲禮十月朔祭都貝大王山
田不收無所食則踉蹌篁竹飄忽往來州縣知覺則已
趨入巢穴
嶺外代答云獠者言其執獠役於中國也地皆高山以

耕山爲生以粟豆芋魁充糧其稻田無幾年豐則安居
巢穴一或饑饉則四出擾攘 獠人無文字其要約以
木契合二板而刻之人執其一若投牒於州縣亦用木
契 獠人每歲十月旦舉峒祭都貝大王於其廟前會
男女之無室家者男女各羣連袂而舞謂之踏獠男女
意相得則男呶嚶奮躍入女羣中負所愛而歸於是夫
婦定矣各自配合不由父母其無配者姑俟來年女三
年無夫負去則父母或殺之以爲世所棄也 獠人之
樂有蘆沙銳鼓胡盧笙竹笛蘆沙之制狀如古簫編竹
爲之縱一橫八以一吹八呶嚶其聲銳鼓乃長大腰鼓
也長六尺以燕脂木爲腔熊皮爲面鼓不響以泥水塗
面即復響矣胡盧笙攢竹於瓢吹之嗚嗚然笛韻如常
笛差短大合樂之時衆聲雜作多擊竹笛以相團樂跳
躍以相之

王土性桂海志續云俗惟獠最陋獠自謂槃瓠所生男
則長髻插梳兩耳穿孔富者貫以金銀大環貧者以雞
鷲毛雜綿絮繩貫之衣僅齊腰袖極短年十八已上謂
之裸漢用猪糞燒灰洗其髮尾令紅垂于髻端插雉尾
以示勇善吹盧笙聲如鐘大者二人擡一人吹田事畢
則十餘人爲羣越村偕其村之幼婦偶歌謂之博親雙
三旬已上則否女則用五綵繒帛綴於兩袖前襟至腰
後幅垂至膝下名狗尾衫示不忘祖也亦造金銀首飾

如火筋橫於髻謂火筴釵有裙有禪裙最短露膝婚姻必姊妹之女謂之還頭兄死弟妻其嫂弟死兄亦如之新娶入門不卽合其妻有數鄰女相隨夫亦挽數男相隨答歌通宵至曉而散返父母家遇正月旦三月三月半出與人歌私通及有娠乃歸夫家以後再不如作女子時歌唱也葬不用浮屠宰牲飲酒而已居室不喜平地惟利高山男女終身不卧床亦不知製被惟於室內造一火爐四圍鋪板中爲炊爨其夏夜投藁草以燎蚊男婦長幼俱集其上新客對卧亦不避嫌也食以糯米炊飯用木盤盛之長幼相聚浣手以搏不用筯碗凡待客以盤盛全牲主人用大剪剪細選美者數臠奉客

餘分嘗之病不服藥惟用雞卜宰猪羊牛馬救病鳴土鼓祀神酒用香茅和米造之不愈則傾家焉

獠人風俗最尙踏歌濃粧綺服越阡度陌男女雜遯深林叢竹間一唱百和雲爲之不流名曰會閩自穡事畢至明春之花朝皆會閩之期也餘節亦間舉唯元宵與中秋夕爲盛有民歌有獠歌俱七言頗相類其不同者民歌有韻獠歌不用韻民歌體絕句獠歌或三句至十餘句民歌意多雙關獠歌專重比興其布格命意有出於民歌之外者雖文人捉筆不能過也獠人生於深山窮谷異言殊服其歌字皆土音韻則天籟譯而通其意殆亦工於爲詞者

母曰蔑伯曰隆叔曰敖子曰力天曰門田曰那山曰崑
行曰巴著衣曰登布

河池徭婚姻以牛爲禮自一頭至三四頭以貧富爲差
嫁時不製衣被女過宿卽返有越數年始歸夫家者以
山中者樹高蔭處所爲天神廟非潔齋不敢入墟市大
半皆婦人謂之坐男使女

思恩徭居五十二峒及儀鳳茆難上中下曠之間其俗
男衣短狹青衣老者衣細葛婦女則小袂長裙繡刺花
紋其長曳地歲首祭先祖擊銅鼓跳躍爲樂仲春男女
成列入山谷中相悅者負之而去遂昏媾焉

東蘭四垵十二哨皆徭人言語輻輳卽獐人亦不能喻
昏婚以竹筒盛酒筐置雄雞爲禮俗馴畏官法
南丹徭居於徭山男女皆蓄髮男青短衣白袴草履女

花衣花裙短齊膝負戴以額言語各殊不與他類聯姻
惇謹勤儉甲於各屬和睦族黨若一家有婚喪衆共助
之討其應納地糧並爲代輸從無爭鬪搆訟恥不爲鼠
竊狗偷倚山而廬耕種度日暇則射獵以藥敷弩箭所
中之獸立斃不讀書不貿易渾渾噩噩有大古風
那地北旦那周加延等哨塘引村徭蠻殊難頓化
忻城徭貧而陋

永順長徭短褐椎髻語言吱味野處穴居恃險肆行捉
人靴禁勒銀取贖父子無親長幼無序夫婦無別死多

暴露不葬不食鹽

獐

嶺南雜記云獐種與獐異類而跳梁桀驁之性一也花衣短翬鳥言獸行產自湖南溪洞延至廣西最多負藥草出市男女衣製如一不可別喜食蟲如蚯蚓蜈蚣螞蝗蝴蝶之類見卽啖之

赤雅云獐人好殺一語不相能則挺刃而鬪鬪或傷其一由此世世爲讎然傷男子讐只一姓若傷其婦則婦之父母伯叔兄弟皆怨家矣

粵西叢載曰獐人失牛追躡牛跡所至遇村落卽責村之甲老曰牛至爾村請爲代緝甲老更躡牛跡又至一

村責亦如之迭更數村而牛跡漫滅不可尋則曰匿此所矣返報失牛之家糾衆往而大譟必令最後所至之村倍償乃已

青箱雜記云獐俗相呼每以各人所生男女小名呼其父母如呼父曰博其子名某則曰博某呼母曰乜其子名某則曰乜某

粵西叢載曰近日編於版圖輸徭役者謂之熟獐性略馴其遠者謂之生獐梗化不制

通志云獐者撞也粵之頑民性喜攻擊撞突故曰獐俗與獐略同而性特剽悍魑結貫耳富者男女皆以銀作大圈加頸男衣短窄裂布束脛出入常佩刀女衣不掩

膝長裙細褶或藍或紅或花更有穿夾裙者厚三四層重五六斤綴五色絨於標袂裙幅間善涉水手攝裙幅視水淺深以次收展男女齒等以衣帶相贈遺謂之結同年既嫁則不復相聞葺茅作屋衡板爲樓上以栖止下頓牛畜謂之麻欄席地而炊搏飯掬水盛夏露處冬則圍爐達旦無床衾宴客以肉盛木具或竹箕均人數而分置之罷則各攜所餘去分肉或不均銜之終身有所要約必以酒肉或殺一狗得肉少許酒半酣雖行刦鬪狠無不願往也刦物不論多寡敝衣釜甑之屬罄捲而逃官司覺治莫知其亡處先出重金購之名曰買線戚屬利得金輒以所匿告往而成禽又好掠縛人入山

谷中剡大木中鑿爲竅納一足械之索貲以贖伏草射人攻剽村落爲患於民自昔爲甚

宜山獠人男薙髮留辮女未嫁者披髮已嫁者挽髻

天河獠人千一百餘戶居西鄉出入佩環刀持鏢鎗性

頑難化

河池思恩獠人與獠同

東蘭獠人服絺類漢民惟冬夏皆以布纏頭獠女善作

花布

忻城獠即土人男力耕女能織獠錦頗知梳櫛多帶簪

珥

永定土獠與漢人相倣男以花巾青布纏頭女着藍花

布大袖短衣袖口鑲紅布五寸男女冬夏皆赤脚
永順副民獐雜處家貧俗陋

狼

粵西偶記云狼人男女皆以歌自擇配男遺女以扁擔
女贈男以繡囊錦帶約爲夫婦各告其父母以蘇木汁
染檳榔並萇葉石灰定之狼之爲歌五言八韻唱時疊
作十二句多用古韻平仄互押或隔越跳叶曲折宛轉
喃喃呢呢間有一二佳語頗類六朝情艷但其中土字
土語十常八九不譯而□之不能曉也

通志云狼性饕餮血食腥穢卧惟藉草多狼藉故曰狼
男女俱挽髻前銳後廣績麻爲衣無刺繡經年垢積不

慶遠府志

卷十七

人物志諸蠻

二十八

滌女多以白布蒙首腰繫大帶衣純素善伏弩獵山而
食兒能騎犬引弓射雉兔掘鼠少長習甲騎應募爲狼
兵又有熟狼居瓦屋種稻田入市交易貨財與民無異
天河狼人居南鄉頗淳樸

南丹土狼設狼目總之性頗輕悍

那地多是狼人衣服與漢民同耕田而食徵調則爲狼
兵明沈希儀賴以破賊

忻城永順長狼人與獐無異惟語言稍別

獐

赤雅云獐燎也好夜獵集炬以照每村推有勇力者曰
卽火餘俱稱火蓋猶燎之義也

嶺外代答曰獠在右江溪洞之外俗謂之山獠依山林而居荒忽無常以射生食動而活蟲豸能蠕動者皆取食無年甲姓名舊傳其類有飛頭鑿齒鼻飲白衫花面赤裡之屬二十一種今右江西南一帶甚多

溪蠻叢笑曰獠寢不置床冬不覆被以三义木支荆棘而泥之然火炙背□焦則易故膚多黧黑展轉數易謂之骨浪

通志云獠言語與漢迥別如呼父曰爸母曰孀兄曰懷弟曰儂穿衣曰登穀喫飯曰饅餸飲酒曰饅考食肉曰饅難之類性鄙吝殺雞饗客不自舉箸女以青布蒙首未嫁者披其前鬢繫紅帶善耕作尤好種綿孟春男女

慶遠府志

卷十七

人物志諸蠻

二十九

負刀芟其雜穢鋤而播種時一往視收已即去歲遷一山無定在視獠獐較馴而頗譎詐

宜山獠名姆姥服色尙青男衣短狹老耆衣細褐女則短袂長裙

天河獠在縣東又名姆姥性嗇俗陋力耕作獨喜浮屠蔬食三年謂之血盆齋言爲母報恩羣聚於佛寺鳩錢具蔬延浮屠超薦其父母謂之懺齋先時蓬頭跣足明成化間知縣袁瑑禁之始巾幘草履

狔

蠻司合志云狔生兩江奧谷中狀若猩狒徃與山獸名野婆者爲夫婦散育茸莽間

赤雅云矜人饑拾橡薯射狐掘鼠蠹蝨蝮食甘如薺
卉衣鳥言

錢元昌云矜女衣綴羽下無裙而以布纏其脛

通志云矜者獐之別種其性情飲食服用器械及昏葬
燕祭皆與獐同編於版籍略供賦役亦如熟獐但言語
差異

宜山矜性習居處服食及昏葬略與獐同供賦役亦如
熟獐

天河矜人在縣東與獠並處名曰姆姥

思恩矜山田礮确時時苦饑采藥負薪易粟而食謂爲
苦蕘矜

獠

赤雅云獠亦獠類而嗜殺過於獠

獠即水苗獠之別種

南丹荔波境上有獠人男女皆挽髻向前項飾銀圈男
服對衽衣名四塊瓦女花裙衣袖長窄性凶暴欺凌孤
寡睚眦之仇必報出入以環刀鏢鎗自隨有事不訟官
獠

通志云獠自稱曰獠而不好田作販薪糴穀家無宿春
男子年三十以往乃昏或野合終身不配爲人傭保獠
語言與獐同而聲音稍柔男女衣飾亦如獐性拙不諳
是非利害

南丹獠種甚多服飾略同獠性特愚爲獠欺脅宜山龍門忻城間有獠與猺獠雜居實來自南丹

浪

通志云浪先自廣東陽山縣亡命而來語言百世不變性好種畚居無定所土瘠卽去婚姻論肉或二三百觔務足其數嫁奩雖農器亦備不能取者男入女室謂之上門三年而去奩亦如之每歲孟春男女上山斫柴作歌爲樂耕則夫先妻後各驅一牛受撫則爲浪民否則逃入大澤爲羣盜謂之浪賊狀類猺而獷悍甚於獠宜山永定永順多有之

苗

慶遠府志

卷十七

人物志諸蠻

三十一

粵西偶記云洞苗喜結交尙意氣人有與暱者卽傾家隕身不顧也東蘭間有之然習俗頗馴

荔波六苗獷戾難馴康熙二年縣令胡啟睿赴任離縣治僅一十五里苗民不容歇宿鳴鼓集衆並僕隸盡屠之後官多不往赴八年有典史余子位赴任至彼諸蠻互相詫異皆云蒙夜結勒刀蒙刁過客麻利料利料譯其意蓋言你從何處來你來作何事好笑好笑云

按以上諸種皆八蠻之類舊志又載有矮子一種云與陽山人同自粵東來而語言各別男女衣服如漢而性特強悍好使酒爭訟片言不合卽揮拳相向訐訟不休喜墾地種烟葉胡蔴豆麥等類今

宜山天河間有之按此非蠻類

今昔情形

隋書地理云蠻重賄輕死唯富爲雄一言與誓至死不
改父子別業父貧有質身於子者

宋史蠻夷傳曰撫水蠻

今思恩縣中州三里

在宜州西有縣四曰

撫水曰京水曰多逢曰古勞唐隸黔邊南其酋皆蒙姓
同出有上中下三房及北遐一鎮民則有區廖潘吳四
姓亦種水田采魚其保聚山險者雖有畚田收穀粟甚
少但以藥箭射生取鳥獸盡卽徙他處無牛羊桑柘地
曰帚洞五十里至前村川原稍平合五百餘家夾龍江
居種稻似湖湘中有樓屋衛以竹柵卽其酋所居兵器

慶遠府志

卷十七

人物志諸蠻

三十二

有環刀鏢牌木弩善爲箭中者大叫信宿死得邕州藥
解之卽活族類不一大抵依阻山谷並林木爲居椎髻
跣足走險如履平地言語侏儻畏鬼神喜淫祀刻木爲
契不能相君長以財力雄強每忽怒則推刃同氣加兵
父子間復讎怨不顧死出入腰弓矢匿草中射人得牛
酒則釋然矣

桂海虞衡志曰安化蠻

卽撫水州改名

最鷙悍在宜州西境官

月給生料鹽以拊之猶日侵民地以耕民不與爭州亦
不能禁

嶺外代答曰宜州徼外西原黃崙武陽羣小蠻卽唐黃
家賊之地宋建南丹使控制之然莫氏家人亦時相攻

奪不奉法范石湖作帥捕劾以聞其後稍讐

獐蠻織芥之隙屢世相仇或誤殺人者以牛酒爲償或數頭至百頭名曰人頭錢流劫則糾黨麋起亦有渠長人先給銀三錢贍其家曰鎗頭錢在山三五爲羣要人於路謂之截路繫船取貨羈以求贖謂之勾船或攻村落民棄田廬卽其村據之謂之打地性耐饑日啖鹽數顆食草木師興則遠遁絕嶠莫可誰何

康熙三年慶遠府推官謝天樞諸蠻議曰五嶺之地奧險阻絕古稱南交書曰秩南訛卽共地也言其民多訛亂而難治也周官曰荒服不王言其人情性荒忽靡常終王者之世不來王也義在羈縻勿絕而已故其地有

羈縻之州名至今不改漢唐以後頗遷中土之人以實之俗蒸蒸然變矣而其雜種曰獠曰獐曰狼曰狃曰獬厥名不一皆以獸命之謂其蠢獷相搏噬如驚獸之難馴也春秋時楚實有其地故楚之史亦名曰檇杌蓋以是耶其地燹田蠱樹其語侏儻其俗以藥弩强弓爲耕作睚眦相仇殺人尋數世不止殺人者法不死討其家頭畜多少輸所死之家不用漢法抵罪急則走而之毒箐瘴篁中刳牛擊豕一日嘯聚數千百人杯酒殺長吏以爲常其婦人亦能驅孛牝貫勁弩頭纏花裹聞軍府拜跪千人不敢仰視如徵則徵貳者不可勝記伏波銅柱之功以二女子而立此史書之可信者也明田州藤

峽之亂韓雍王守仁皆提兵十萬始克蕩平然未能一鼓而殄滅之也不過更其渠帥監以流官如負薪而塞瓠子之河視其潰者壅之耳然今之猺獞與漢人無異所不同者飲食言語衣服耳其蠻長已世其州縣長官之秩食租衣稅意自足無他求也所患者豪強之吞併貪吏之誅求耳而部種多散處民間雜作傭保愚者爲人役屬糲褐不給黠者不堪其謫辱梗而竄草間又有亡命奸人恃爲逋淵煽之狂走徃徃竊其名以行究所爲真獠真獞十無一二也予以爲當檄所司籍其名口有願比流戶者編入閤伍給以牛種其不願者令隸附近土官編管如有以殺人及隱匿亡命之罪告發者責彼勾攝倘或不獲罪坐所隸之官又安所逃其死乎至於土州縣長官亦宜令明習漢律不得擅決誅死使彼不得專生殺之柄而下亦自泯其仇殺之端然後時飭邊吏勿俾誅賄生釁而彼亦因以安其田土保其祿位庶知我

朝廷之寬大咸受冠帶死不敢爲非矣如是則周之職方再見於今日而樓船下瀨之師俱可置而不用也

錢元昌粵蠻圖記略曰粵西山谷奧阻蠻種實繁合其類而十分之獞四獠三狼二餘居一焉其在唐虞謂之要荒但與要約而已歷代以來率多梗化迨我

朝德威遠播蒸蒸日上變雖其居處服餼飲食男女之際與

華俗不同而淡泊淳樸之風亦於此見焉可約舉而記之也諸蠻皆耕田而食嘗以粘米作粥時時獸之取雜菜及牛羊皮骨久漚成醬以佐餐雖家畜雞豚不輕食肉水田低則稱田旱田高則稱地困皆種稻地種雜糧間有種旱禾者雨水足卽豐收謂之靠天田禾有早晚隨月而名如六月禾八月禾歲止一熟秋收後燒山以除百毒二月啟蟄焚草漬灰以肥土然後種植耕用牛漑用車亦用庠男耕女耔無懶惰穀或剪或刈皆出女手製酒以米和草子釀之味極甘畏莽茗之苦渴惟飲水男女皆衣布色尙深藍間用青皂無裘葛其卧具尤草率遇暑熱則頻浴於溪冬寒則圍爐徹夜男女多薙

髮亦有髧其四圍者髮或辮或髻或插簪或插薙尾或去或留耳或垂環項或鎖圈頭以布裹或繡或素戴笠者居半衣及腰而止稍長亦露膝褲自襠以下分裁布條斜裹至足亦有着褲而另束脛者腰繫巾好懸銅盒貯烟佩小刀極利謂之左插足跣亦偶着草鞋蠻女髮密而黑好縮大髻多向前亦有橫如卷軸者有疊作三盤者有雙髻者未嫁女也嫁則一髻上紫大梳或銀或木或牙花簪圍插多寡不同隨貧富也髻上或覆布或花巾或笠笠製極工常以皂布幕邊半露其面耳皆帶大環環下間垂小珥項帶銀圈胸或掛銀牌身着青布衣多緣繡亦止及腰內絡花兜敞襟露胸以示麗亦有

聚鶯翫爲毬綴衣以爲飾者褲短而裙長不褲者半焉
裙色皆深青亦以緣繡襞積頗繁行則扱左右於腰腰
多束花巾懸荷包性亦喜吸烟每以烟筒插髻足跣與
男子無異有喜慶間亦着履非擔負而出則攜長柄傘
花巾油扇步趨輕捷涉澗越嶺高深不佞諸蠻皆負山
而居或圍竹爲村或依樹爲社結茅築垣架板成樓上
棲人下畜獸謂之麻欄房男女老幼聚處一欄子娶則
別欄以居惟狼人列屋排門人畜分左右不喜登樓耕
種之暇男或採樵攫獸女紡織染布各有工技春秋社
祭神於廟提筐挈筥陳設酒醴延巫師紅袍執笏若隆
神然社前卑幼徧拜尊長謂之探社有相訟者集於社

推老人上座兩造各剪草爲籌每講一事舉一籌多者
勝蓋理詘則籌棄理直則籌存也是謂賽老亦曰論理
論畢刻木記之終身不敢負男女婚嫁亦憑媒妁各取
庚帖置甕釀酒酒美則吉結爲夫婦當春日載陽男女
五歌謂之浪花又謂之跳月男吹蘆笙女拋綵毬迴旋
蹈舞歌意相浹卽投之報之返而約聘嫁之日前導擔
榼新婦執彩旒傘步行親戚接踵鼓吹以送之此皆蠻
俗之異於華者然四體勤而百用儉樸實之風亦有足
取且愚拙中復生智巧固不得以荒陋之俗鄙之而不
以中國之治治之也若夫好利輕生微嫌必報有犯卽
匿固舊習之汚今沐浴

聖朝雅化歌咏太平亦有日遷善而不知爲之者其秀者彬
彬爾雅升列膠庠誦讀之聲流於山谷漸皆恥其俗之
陋而化其性之頑設更閱數年恐並其居處服飾飲食
男女之際皆與華俗無異欲識其種而不可得矣用是
記其種類核其事蹟以證前聞

謹按諸蠻依山爲穴履險若夷生習弩箭牌刀不
聞詩書禮樂故易於嘯聚而難於馴柔見利必趨
非勦不服在唐宋元明之代叛亂劫擄迄無安歲
其載於時事志撫治條歷歷可稽也迄我

朝懾之以武牖之以文臨之以官司董之以師鐸漸摩陶
淑垂二百年向之撫水唐林及南比西三巢所稱

慶遠府志

卷十七

人物志諸蠻

三十七

爲最難治者蓋莫不樂耕鑿而輸徭賦間且有執
黃卷而服青衿矣率育陳常何分疆界顧近今之
慮不在苗蠻而在湖南粵東之流民竄入村市游
手好閒誘惑無知結會要盟糾徒滋事爲地方患
要在有司官慎密稽察嚴緊緝捕以芟除其醜類
而輔翼夫善良將卉衣鳥語之遺氓何陋之有而
越舞楚歌之雜處無思不服矣